

An Bhruiséil, 2 Iúil 2026  
(OR. en)

11371/26  
ADD 1

---

Comhad Idirinstitiúideach:  
2026/0179 (NLE)

---

AELE 54  
MI 734  
N 58  
FL 24  
ISL 33  
ENV 893

## NÓTA CLÚDAIGH

|                           |                                                                                                                                                                                                                                                                                        |
|---------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------|
| ó:                        | Ardrúnaí an Choimisiúin Eorpaigh, arna s(h)íniú ag Martine DEPREZ, Stiúrthóir                                                                                                                                                                                                          |
| dáta a fuarthas:          | 1 Iúil 2026                                                                                                                                                                                                                                                                            |
| chuig:                    | Thérèse BLANCHET, Ardrúnaí Chomhairle an Aontais Eorpaigh                                                                                                                                                                                                                              |
| Uimh. an doic. ón gCoim.: | COM(2026) 335 annex                                                                                                                                                                                                                                                                    |
| Ábhar:                    | IARSCRÍBHINN<br>a ghabhann leis an<br>Togra le haghaidh<br>CINNEADH ÓN gCOMHAIRLE<br>maidir leis an seasamh atá le glacadh, thar ceann an Aontais Eorpaigh,<br>laistigh de Chomhchoiste LEE maidir le leasú ar Iarscríbhinn XX (An<br>Comhshaol) a ghabhann le Comhaontú LEE<br>(SCCT) |

Gheobhaidh na toscaireachtaí i gceangal leis seo doiciméad COM(2026) 335 annex.

---

Faoi iamh: COM(2026) 335 annex



AN COIMISIÚN  
EORPACH

An Bhruiséil, 1.7.2026  
COM(2026) 335 final

ANNEX

**IARSCRÍBHINN**

**a ghabhann leis an**

**Togra le haghaidh**

**CINNEADH ÓN gCOMHAIRLE**

**maidir leis an seasamh atá le glacadh, thar ceann an Aontais Eorpaigh, laistigh de  
Chomhchoiste LEE maidir le leasú ar Iarscríbhinn XX (An Comhshaol) a ghabhann le  
Comhaontú LEE**

**(SCCT)**

## **IARSCRÍBHINN**

### **DRÉACHTCHINNEADH Ó CHOMHCHOISTE LEE**

**an [...]**

**lena leasaítear Iarscríbhinn XX (An Comhshaol) a ghabhann le Comhaontú LEE**

TÁ COMHCHOISTE LEE,

Ag féachaint don Chomhaontú ar an Limistéar Eorpach Eacnamaíoch ('Comhaontú LEE'), agus go háirithe Airteagal 98 de,

De bharr an mhéid seo a leanas:

- (1) Rialachán (AE) 2023/956 ó Pharlaimint na hEorpa agus ón gComhairle an 10 Bealtaine 2023 lena mbunaítear sásra coigeartaithe carbóin ar theorainneacha ('SCCT')<sup>1</sup>, tá sé le hionchorprú i gComhaontú LEE.
- (2) Rialachán (AE) 2025/2083 ó Pharlaimint na hEorpa agus ón gComhairle an 8 Deireadh Fómhair 2025 lena leasaítear Rialachán (AE) 2023/956 a mhéid a bhaineann le simpliú agus neartú SCCT<sup>2</sup>, tá sé le hionchorprú i gComhaontú LEE.
- (3) Cé go nglactar leis i Rialachán (AE) 2023/956 go n-úsáidfear sonraí agus córais chustaim laistigh d'Aontas Custaim an Aontais Eorpaigh atá lasmuigh de raon feidhme Chomhaontú LEE, aithníonn na Páirtithe Conarthacha gur gá do Stáit CSTE gealltanais a thabhairt a reachtaíocht náisiúnta a oiriúnú chun a áirithiú go n-oibreoidh SCCT go haonfhoirmeach ar fud an Limistéir Eorpaigh Eacnamaíoch.
- (4) Chun Rialachán (AE) 2023/956 a chur i bhfeidhm ar bhealach aonchineálach ar fud an Limistéir Eorpaigh Eacnamaíoch, ní mór an cinneadh maidir le tionscnamh earraí agus aicmiú na n-earraí a thagann faoi raon feidhme Rialachán (AE) 2023/956 a ailíniú ar fud an Limistéir Eorpaigh Eacnamaíoch. San Aontas, sainmhínítear é sin i gcomhréir leis na rialacha tionscnaimh neamhfhabhracha bunaithe ar Airteagal 59 de Rialachán (AE) Uimh. 952/2013, agus leis na cóid AC san Ainmníocht Chomhcheangailte atá i gceangal le Rialachán (CEE) Uimh. 2658/87 ón gComhairle maidir leis an ainmníocht taraife agus staidrimh agus leis an gComhtharaif Chustaim. Agus an Rialachán seo á chur chun feidhme ag Stáit CSTE ina reachtaíocht náisiúnta féin, glacfaidh siad rialacha comhfhreagracha a bheidh comhionann go substainteach leis na rialacha is infheidhme san Aontas, lena n-áiríteofar aonchineálacht iomlán ar fud an Limistéir Eorpaigh Eacnamaíoch. Tabharfaidh an Coimisiún fógra do Stáit CSTE faoi aon athrú ar na rialacha tionscnaimh neamhfhabhracha, ar chóid AC agus ar fhoranna TARIC breise, atá ábhartha chun raon feidhme Rialachán (AE) 2023/956 a chinneadh. Áiritheoidh Stáit CSTE go mbeidh na rialacha tionscnaimh neamhfhabhracha agus aicmiú na n-earraí is ábhartha maidir le cur i bhfeidhm Rialachán (AE) 2023/956 ina reachtaíocht náisiúnta ag teacht go leanúnach leis na rialacha is infheidhme laistigh den Aontas agus áiritheoidh siad cur i bhfeidhm aonfhoirmeach comhuaineach. I gcomhréir le hAirteagal 109(1) de Chomhaontú LEE, déanann Údarás Faireacháin CSTE faireachán ar thrasúí agus ar chur chun

<sup>1</sup> IO L 130, 16.5.2023, lch. 52.

<sup>2</sup> IO L, 2025/2083, 17.10.2025, ELI: <http://data.europa.eu/eli/reg/2025/2083/oj>

feidhme Rialachán (AE) 2023/956 i Stáit CSTE de réir mar is gá chun cur i bhfeidhm aonfhoirmeach a áirithiú ar fud an Limistéir Eorpaigh Eacnamaíoch.

- (5) Is chuig Stáit CSTE a thitfidh ioncam ó dheimhnithe SCCT a dhíol le dearbhóirí SCCT atá bunaithe i Stáit CSTE.
- (6) Aithníonn na Páirtithe Conarthacha an tábhacht a bhaineann le malartú éifeachtúil uathoibríoch faisnéise chun na hoibleagáidí faoi Rialachán (AE) 2023/956 a chomhlíonadh agus chun go mbeidh cur chun feidhme indéanta mar a fhoráiltear sa Rialachán agus comhaontaíonn siad oibriú i gcomhar le chéile maidir le malartuithe éifeachtúla sonraí. Tuairisceoidh údarais chustaim Stáit CSTE na sonraí custaim is gá chun oibleagáidí Rialachán (AE) 2023/956 a chomhlíonadh do Chlárlann SCCT, i bhformáid a bheidh comhionann leis an bhformáid a úsáideann na Ballstáit den Aontas de bhun Rialachán Cur Chun Feidhme (AE) 2015/2447 Iarscríbhinn 21-03.
- (7) Treoir 2003/87/CE ó Pharlaimint na hEorpa agus ón gComhairle lena mbunaítear córas maidir le trádáil lamháltas astaíochtaí gás ceaptha teasa laistigh den Chomhphobal, rinneadh í a ionchorprú i gComhaontú LEE le Cinneadh ó Chomhchoiste LEE Uimh. 146/2007. Is é Airteagal 25 den Treoir, arna ionchorprú i gComhaontú LEE i bpointe 21a d'Iarscríbhinn XX, an bunús dlí chun comhaontuithe dá dtagraítear i bpointe a d'Airteagal 2(6) de Rialachán (AE) 2023/956 a thabhairt i gcrích. Aithris 17 de Chinneadh Uimh. 146/2007 ó Chomhchoiste LEE, maidir le neamh-idirdhealú Stáit CSTE agus a n-oibreoirí, tá feidhm aici freisin maidir le cur i bhfeidhm comhaontuithe den sórt sin faoi Rialachán SCCT.
- (8) Ba cheart, dá bhrí sin, Iarscríbhinn XX a ghabhann le Comhaontú LEE a leasú dá réir sin,

TAR ÉIS AN CINNEADH SEO A GHLACADH:

#### *Airteagal 1*

Cuirtear an méid seo a leanas isteach i ndiaidh phointe 21a (Cinneadh Cur Chun Feidhme (AE) 2024/3098 ón gCoimisiún) d'Iarscríbhinn XX a ghabhann le Comhaontú LEE:

‘21azu. **32023 R 0956:** Rialachán (AE) 2023/956 ó Pharlaimint na hEorpa agus ón gComhairle an 10 Bealtaine 2023 lena mbunaítear sásra coigeartaithe carbóin ar theorainneacha (IO L 130, 16.5.2023, lch. 52), arna leasú le:

- **32025 R 2083:** Rialachán (AE) 2025/2083 ó Pharlaimint na hEorpa agus ón gComhairle an 8 Deireadh Fómhair 2025 (IO L, 2025/2083, 17.10.2025).

Chun críocha an Chomhaontaithe seo, tá an Rialachán oiriúnaithe mar a leanas:

- (a) In Airteagal 1(1) agus (2), cuirfear na focail “, nó i gcríocha custaim Stáit CSTE” isteach i ndiaidh na bhfocal “i gcríoch chustaim an Aontais”.
- (b) In Airteagal 2:
  - (i) i mír 1 agus sa chéad fhomhír de mhír 2, i ndiaidh na tagartha d'Airteagal 256 de Rialachán (AE) Uimh. 952/2013 cuirfear na focail “nó, a bhaineann le Stáit CSTE, na nósanna

imeachta coibhéiseacha i gcomhréir lena reachtaíocht náisiúnta chustaim féin” isteach;

- (ii) i míreanna 1, 2 agus 7, cuirfear na focail “nó i gcríocha custaim Stáit CSTE” agus “do chríocha custaim Stáit CSTE” isteach i ndiaidh na bhfocal “i gcríoch chustaim an Aontais” agus “do chríoch chustaim an Aontais” faoi seach;
- (iii) i mír 2, cuirfear an fhomhír seo a leanas isteach:

“Tá feidhm ag an Rialachán seo maidir leis an méid seo a leanas freisin:

- (a) táirgí próiseáilte ó earraí a liostaítear in Iarscríbhinn I de thionscnamh tríú tír a eascraíonn as an nós imeachta próiseáil isteach dá dtagraítear in Airteagal 256 de Rialachán (AE) Uimh. 952/2013, nuair a thugtar isteach iad i gcríoch chustaim Stáit de chuid CSTE, ar choinníoll go n-allmhairítear iad chuig ceann de chríoch chustaim Stáit de chuid CSTE, agus
  - (b) a mhéid a bhaineann le Stáit CSTE, táirgí próiseáilte ó earraí a liostaítear in Iarscríbhinn I de thionscnamh tríú tír ar toradh iad ar na nósanna imeachta coibhéiseacha i gcomhréir lena reachtaíocht náisiúnta féin, nuair a thugtar isteach i gcríoch chustaim an Aontais iad ar choinníoll go n-allmhairítear sa chríoch chustaim sin iad.”
- (iv) i mír 4, cuirfear na fohíreanna seo a leanas isteach:

“De mhaolú ar mhíreanna 1 agus 2, ní bheidh feidhm ag an Rialachán seo maidir le hearraí a scaoileadh i saorchúrsaíocht roimhe sin i gcríoch chustaim an Aontais nó i gcríoch chustaim Stáit de chuid CSTE, ar choinníoll go gcuirfidh an dearbhóir custaim in iúl sa dearbhú custaim a eiseofar ina dhiaidh sin gur scaoileadh na hearraí i saorchúrsaíocht roimhe sin.

Arna iarraidh sin don údarás custaim ina bhfuil na hearraí á n-allmhairiú, cuirfidh an dearbhóir custaim doiciméadacht nó faisnéis ar fáil lena gcruthaítear gur scaoileadh na hearraí i saorchúrsaíocht roimhe sin laistigh de chríoch chustaim an Aontais nó Stáit de chuid CSTE. Is ar an dearbhóir custaim a bheidh an fhreagracht as an gcruthúnas sin a bheith ar fáil tráth a dtaiscfear an dearbhú custaim.”;

- (v) i mír 5:
  - (i) cuirfear na focail “nó a mhéid a bhaineann le Stáit CSTE, na rialacha comhfhreagracha i gcomhréir lena reachtaíocht náisiúnta féin” isteach i ndiaidh na bhfocal “Airteagal 59 de Rialachán (AE) Uimh. 952/2013”;
  - (ii) cuirfear an fhomhír seo a leanas isteach:

“Tráth nach déanaí ná 45 lá roimh theacht i bhfeidhm san Aontas leasuithe ar na rialacha tionscnaimh neamhfhabhracha dá dtagraítear in Airteagal 59 de Rialachán (AE) 952/2013, tabharfaidh an tAontas fógra do Bhuanchoiste Stáit CSTE maidir leis na leasuithe atá beartaithe. Laistigh de 45 lá tar éis do Stáit CSTE an fógra a fháil, leasóidh siad a rialacha comhfhreagracha ina reachtaíocht náisiúnta féin, d’fhonn na leasuithe sin a chur i bhfeidhm go haonfhoirmeach agus go comhuaineach. Cuirfear Comhchoiste LEE ar an eolas maidir leis an cinntí seo agus foilseoidh sé liosta de na cinntí go tréimhsiúil i bhForlónadh LEE de *Iris Oifigiúil an Aontais Eorpaigh*.”;

(vi) i mír 12, cuirfear an fhomhír seo a leanas isteach:

“Ar thabhairt i gcrích comhaontaithe dá dtagraítear san Airteagal seo ag an Aontas, ní dhéanfar aon idirdhealú idir dearbhóirí SCCT atá bunaithe san Aontas agus iad siúd atá bunaithe i Stáit CSTE. Coinneoidh an tAontas Stáit CSTE ar an eolas go luath maidir le comhaontuithe a chaibidliú agus a thabhairt i gcrích i gcomhréir leis an Airteagal seo chun críocha chur i bhfeidhm Airteagal 9.”

(vii) cuirfear isteach an mhír seo a leanas:

“13. Chun go bhféadfar cóid tráchtearra a chur i bhfeidhm go haonfhoirmeach agus go comhuaineach chun earraí a thagann faoi raon feidhme an Rialacháin seo a shainaithint, beidh feidhm ag an méid seo a leanas:

Tráth nach déanaí ná 45 lá roimh theacht i bhfeidhm san Aontas leasuithe ar chóid AC faoi Rialachán (CEE) Uimh. 2658/87 a liostaítear in Iarscríbhinn I, tabharfaidh an tAontas fógra do Bhuanchoiste Stáit CSTE maidir leis na leasuithe atá beartaithe. Laistigh de 45 lá tar éis do Stáit CSTE an fógra a fháil, leasóidh siad na cóid tráchtearra chomhfhreagracha ina reachtaíocht náisiúnta is infheidhme maidir le allmhairiú earraí a thagann faoi raon feidhme an Rialacháin seo isteach i gcríocha custaim Stáit CSTE. Cuirfear Comhchoiste LEE ar an eolas maidir leis an cinntí seo agus foilseoidh sé liosta de na cinntí go tréimhsiúil i bhForlónadh LEE de *Iris Oifigiúil an Aontais Eorpaigh*.

I gcás ina n-úsáidfídh an tAontas cóid tráchtearra TARIC faoi Rialachán (CEE) Uimh. 2658/87 ón gComhairle ina bhfuil suas le 10 ndigit chun earraí a thagann faoi raon feidhme an Rialacháin seo a shainaithint, tabharfaidh Stáit CSTE cóid chomhfhreagracha isteach ina bhfuil digití breise ina reachtaíocht náisiúnta is infheidhme maidir le hallmhairiú earraí a thagann faoi raon feidhme an Rialacháin seo isteach i gcríocha custaim Stáit CSTE. Tráth nach déanaí ná 45 lá roimh theacht i bhfeidhm na gcód tráchtearra TARIC sin san Aontas, tabharfaidh an tAontas fógra do Bhuanchoiste Stáit

CSTE faoi na cóid tráchtearra TARIC sin, agus tabharfaidh Stáit CSTE isteach, laistigh de 45 lá tar éis dóibh an fógra a fháil, na leasuithe is gá ina reachtaíocht náisiúnta is infheidhme maidir le hallmhairiú earraí a thagann faoi raon feidhme an Rialacháin seo isteach i gcríocha custaim Stáit CSTE.

Tabharfaidh an tAontas fógra do Bhuanchoiste Stáit CSTE gan moill mhíchúí faoi thagairtí na ndoiciméad custaim leictreonach, faoi cheanglais deimhniúcháin, agus faoi dhíolúintí is infheidhme atá ábhartha maidir le cur i bhfeidhm an Rialacháin seo, lena n-áirítear nuashonruithe ar eilimintí sonraí den sórt sin. Tabharfaidh Stáit CSTE fógra don Choimisiún freisin faoi chur chun feidhme comhfhreagrach na n-eilimintí sin, lena n-áiríteofar ailíniú agus idir-inoibritheacht.

Earraí a allmhairítear isteach i gcríocha custaim Stáit CSTE, aicmeofar iad i gcomhréir lena reachtaíocht náisiúnta féin a chomhfhreagróidh go comhionann do na cóid tráchtearraí is infheidhme san Aontas maidir le hearraí a thagann faoi raon feidhme an Rialacháin seo.”

(c) In Airteagal 3:

- (i) i bpointe (4), cuirfear na focail “nó, a mhéid a bhaineann le Stáit CSTE, na nósanna imeachta coibhéiseacha i gcomhréir lena reachtaíocht náisiúnta chustaim féin” isteach i ndiaidh na bhfocal “Airteagal 201 de Rialachán (AE) Uimh. 952/2013”;
- (ii) i bpointe (6), cuirfear na focail “nó, a mhéid a bhaineann le Stáit CSTE, críocha custaim Stáit CSTE mar a shainítear iad ina reachtaíocht náisiúnta féin” isteach i ndiaidh na bhfocal “Airteagal 4 de Rialachán (AE) Uimh. 952/2013”;
- (iii) i bpointe (7), cuirfear na focail “nó lasmuigh de chríocha custaim Stáit CSTE” isteach i ndiaidh na bhfocal “lasmuigh de chríoch chustaim an Aontais”;
- (iv) i bpointe (10), cuirfear na focail “nó, a mhéid a bhaineann le Stáit CSTE, praghas na n-earraí féin nuair a dhíoltar iad lena n-onnmhairiú chuig críoch chustaim Stáit CSTE, cé is moite de chostais iompair agus árachais, mura n-áireofar iad sa phraghas agus mura léireofar ar leithligh iad ar an sonrasc, agus aon cháin agus muirear eile atá infhionnta ag na húdaráis chustaim ó aon doiciméad ábhartha” isteach i ndiaidh na bhfocal “Airteagal 1, pointe (48), de Rialachán Tarmligthe (AE) 2015/2446”;
- (v) i bpointe (14), cuirfear na focail “nó riaracháin chustaim Stáit CSTE atá freagrach as cur i bhfeidhm na reachtaíochta custaim agus aon údarás eile de chuid Stáit CSTE a chumhachtaítear faoin dlí náisiúnta reachtaíocht áirithe chustaim a chur i bhfeidhm” isteach i ndiaidh na bhfocal “Airteagal 5, pointe (1), de Rialachán (AE) Uimh. 952/2013”;

- (vi) i bpointe (15), cuirfear na focail “nó, a mhéid a bhaineann le Stáit CSTE, an doiciméadacht ábhartha de réir reachtaíocht náisiúnta Stáit CSTE” isteach i ndiaidh na bhfocal “Rialachán Tarmligthe (AE) 2015/2446” agus cuirfear na focail “nó ionadaí custaim i gcomhréir le reachtaíocht náisiúnta Stáit CSTE” isteach i ndiaidh na bhfocal “Airteagal 18 de Rialachán (AE) Uimh. 952/2013”;
- (vii) i bpointe (16), cuirfear na focail “nó, a mhéid a bhaineann le Stáit CSTE, an dearbhóir mar a shainmhínítear é i gcomhréir lena reachtaíocht náisiúnta chustaim féin” isteach i ndiaidh na bhfocal “Rialachán (AE) Uimh. 952/2013”;
- (viii) i bpointe (18), cuirfear na focail “faoi Chomhaontú LEE nó faoin dlí náisiúnta” in ionad na bhfocal “faoi dhlí an Aontais nó faoin dlí náisiúnta”;
- (ix) i bpointe (20), cuirfear na focail “nó, a mhéid a bhaineann le Stáit CSTE, an t-aitheantóir náisiúnta corparáide i gcomhréir lena reachtaíocht náisiúnta féin” isteach i ndiaidh na bhfocal “Airteagal 9 de Rialachán (AE) Uimh. 952/2013”.
- (d) In Airteagail 4, 5(1), 5(5), 26(2) agus 26(4), cuirfear na focail “nó i gcríocha custaim Stáit CSTE” isteach i ndiaidh na bhfocal “i gcríoch chustaim an Aontais”.
- (e) In Airteagal 5:
  - (i) i mír 1a:
    - a) cuirfear na focail “nó ionadaí custaim i gcomhréir le reachtaíocht náisiúnta Stáit CSTE” isteach i ndiaidh an chéad dá uair dá bhfuil na focail “ionadaí indíreach custaim” ann;
    - b) cuirfear na focail “nó an t-ionadaí custaim i gcomhréir le reachtaíocht náisiúnta Stáit CSTE” isteach i ndiaidh an tríú huair dá bhfuil na focail “ionadaí indíreach custaim” ann;
    - c) cuirfear na focail “nó a mhéid a bhaineann le Stáit CSTE, lena reachtaíocht náisiúnta féin” isteach i ndiaidh na bhfocal “le hAirteagal 18 de Rialachán (AE) Uimh. 952/2013”;
  - (ii) i míreanna 2 agus 2a, cuirfear na focail “nó ionadaí custaim i gcomhréir le reachtaíocht náisiúnta Stáit CSTE” isteach i ndiaidh na bhfocal “an t-ionadaí indíreach custaim”;
  - (iii) i mír 2, cuirfear an fhomhír seo a leanas isteach:
 

“Cláróidh dearbhóirí SCCT atá bunaithe i Stáit CSTE uimhir EORI sula n-allmhaireoidh siad earraí a liostaítear in Iarscríbhinn I isteach i gcríoch chustaim an Aontais sna cásanna seo a leanas:

    - a) taisctear an dearbhú custaim in ainm an allmhaireora, nó



- b) déanann ionadaí indíreach custaim an dearbhú custaim a thaisceadh trí úsáid a bhaint as uimhir údaráithe SCCT an allmhaireora.”;
- (iv) i mír 5, cuirfear an méid seo a leanas isteach:
 

“(i) aon aitheantóir corparáide a úsáidtear i bPáirtí Conarthach eile.”;
- (v) i mír 7, cuirfear an fhomhír seo a leanas isteach:
 

“Ní mór d’oibreoirí eacnamaíocha ar sannadh aitheantóir corparáide dóibh a úsáidtear i bPáirtí Conarthach eile an t-údarás inniúil ábhartha a chur ar an eolas dá réir sin.”
- (f) In Airteagail 5(5)(b), 14(2)(b), 17(4)(b) agus 25(2), cuirfear na focail “nó, a mhéid a bhaineann le Stáit CSTE, an t-aitheantóir corparáide ábhartha i gcomhréir lena reachtaíocht náisiúnta” isteach i ndiaidh na bhfocal “uimhir EORI”.
- (g) In Airteagal 6:
  - (i) i mír 3, cuirfear na focail “nó, a mhéid a bhaineann le Stáit CSTE, an nós imeachta comhfhreagrach i gcomhréir lena reachtaíocht náisiúnta féin” isteach i ndiaidh na bhfocal “Airteagal 256 de Rialachán (AE) Uimh. 952/2013”;
  - (ii) i mír 3, cuirfear na focail “nó, a mhéid a bhaineann le Stáit CSTE, na rialacha comhfhreagracha i gcomhréir lena reachtaíocht náisiúnta féin” isteach i ndiaidh na bhfocal “Airteagal 205 de Rialachán (AE) Uimh. 952/2013”;
  - (iii) i mír 4, cuirfear na focail “nó, a mhéid a bhaineann le Stáit CSTE, na rialacha comhfhreagracha i gcomhréir lena reachtaíocht náisiúnta féin” isteach i ndiaidh na bhfocal “Airteagal 259 de Rialachán (AE) Uimh. 952/2013”;
  - (iv) i mír 4, cuirfear na focail “nó taobh amuigh de chríocha custaim Stáit CSTE” isteach i ndiaidh na bhfocal “taobh amuigh de chríoch chustaim an Aontais”;
  - (v) i mír 5, cuirfear na focail “nó, a mhéid a bhaineann le Stáit CSTE, na rialacha comhfhreagracha i gcomhréir lena reachtaíocht náisiúnta féin” isteach i ndiaidh na bhfocal “Airteagal 203 de Rialachán (AE) Uimh. 952/2013”.
- (h) In Airteagal 12, cuirfear isteach an abairt seo a leanas:
 

“Thairis sin, tabharfaidh an Coimisiún cúnamh d’Údarás Faireacháin CSTE agus d’údarais inniúla Stáit CSTE agus tabharfaidh sé isteach iad de réir mar is iomchuí chun an leibhéal céanna comhair a áirithiú agus chun malartú leordhóthanach faisnéise a chur chun cinn idir údarais inniúla Stáit CSTE agus Ballstát den Aontas agus idir údarais inniúla Stáit CSTE agus Údarás Faireacháin CSTE.”
- (i) In Airteagal 13:

- (i) i mír 1, cuirfear na focail “ná Údarás Faireacháin CSTE” isteach i ndiaidh an fhocail “Coimisiún”;
- (ii) i mír 2:
  - (a) cuirfear na focail “agus Údarás Faireacháin CSTE” isteach i ndiaidh an fhocail “Coimisiún”;
  - (b) cuirfear an fhomhír seo a leanas isteach:
 

“A mhéid a bhaineann le Stáit CSTE, ní bheidh feidhm ag comhroinnt faisnéise le hOifig an Ionchúisitheora Phoiblí Eorpaigh”.
- (iii) cuirfear na focail “de bhua Chomhaontú LEE nó an dlí náisiúnta” in ionad na bhfocal “de bhua dhlí an Aontais nó an dlí náisiúnta”.
- (j) In Airteagal 14(1), cuirfear na focail “agus d’Údarás Faireacháin CSTE, de réir mar a bheidh” isteach i ndiaidh na bhfocal “d’údaráis inniúla”.
- k) In Airteagal 15(2), cuirfear na focail “agus, a mhéid a bhaineann le dearbhóirí SCCT, Údarás Faireacháin CSTE” isteach i ndiaidh na bhfocal “na húdaráis inniúla lena mbaineann”.
- (l) In Airteagal 17:
  - (i) i mír 2(d), cuirfear na focail “nó, a mhéid a bhaineann le Stáit CSTE, an t-aitheantóir corparáide ábhartha i gcomhréir lena reachtaíocht náisiúnta féin” isteach i ndiaidh na bhfocal “Rialachán (AE) Uimh. 952/2013”;
  - (ii) i mír 4(b), cuirfear na focail seo a leanas isteach: “agus, más ábhartha, aon aitheantóir corparáide a úsáidtear i bPáirtí Conarthach eile.”;
  - (iii) i mír 7a, cuirfear na focail “nó, a mhéid a bhaineann le hallmhaireoirí atá bunaithe i Stáit CSTE agus allmhairí isteach i gcríocha custaim Stáit CSTE, faoin 31 Márta 2027” isteach i ndiaidh na bhfocal “faoin 31 Márta 2026”.
- (m) In Airteagal 19:
  - (i) i mír 1, cuirfear an fhomhír seo a leanas isteach:
 

“Agus cúraimí athbhreithnithe á ndéanamh ag an gCoimisiún i ndáil le dearbhóirí SCCT atá bunaithe i Stáit CSTE, coinneoidh sé Údarás Faireacháin CSTE ar an eolas faoi aon neamhrialtacht a bhaineann le dearbhóirí SCCT atá bunaithe i Stáit CSTE. Thairis sin, féadfaidh Údarás Faireacháin CSTE athbhreithniú a dhéanamh ar dhearbhuithé SCCT a bhaineann le dearbhóirí SCCT atá bunaithe i Stáit CSTE.”;
  - (ii) i mír 2, an dara fomhír, cuirfear na habairtí seo a leanas isteach:
 

“Is é Údarás Faireacháin CSTE a dhéanfaidh aon iniúchadh ag áitreabh dhearbhoirí SCCT atá bunaithe i Stáit CSTE. Féadfar cuireadh a thabhairt d’oifigigh an Choimisiúin agus

do dhaoine eile arna n-údarú ag an gCoimisiún a bheith rannpháirteach mar bhreathnóirí.”.

(n) In Airteagal 20(2):

(i) sa dara fomhír, cuirfear na focail “, Údarás Faireacháin CSTE, de réir mar a bheidh, a mhéid a bhaineann le dearbhóirí SCCT atá bunaithe i Stáit CSTE,” isteach i ndiaidh an fhocail “Coimisiún”;

(ii) cuirfear an fhomhír seo a leanas isteach:

“Faoi réir comhaontú a bheith tugtha i gcrích ag Stáit CSTE agus ag an gCoimisiún ar a chuntas féin agus thar ceann na mBallstát lena nglacfaidh Stáit CSTE páirt sa chomhaontú maidir le soláthar comhpháirteach chun ardán lárnach coiteann a sholáthar, beidh Stáit CSTE rannpháirteach sa ghníomhaíocht chomhpháirteach de bhun na míre seo.”.

(o) In Airteagal 25:

(i) i mír 1, cuirtear an abairt seo a leanas isteach: “Chun na críche sin agus go dtí go nascfaidh Stáit CSTE le CSW-CERTEX AE, áiríteoidh an Coimisiún go mbeidh údaráis chustaim Stáit CSTE in ann rochtain a fháil ar an bhfaisnéis is gá maidir le húdaruithe SCCT ó chlárann SCCT ar bhonn seachtainiúil.”;

(ii) i mír 2,

(a) cuirfear na focail “nó, a mhéid a bhaineann le Stáit CSTE, go tréimhsiúil agus, más indéanta, go huathoibríoch” isteach i ndiaidh na bhfocal “go huathoibríoch”;

(b) cuirfear isteach na focail “nó, a mhéid a bhaineann le Stáit CSTE, an fheidhmiúlacht ábhartha arna cur ar fáil ag an gCoimisiún i gclárann SCCT, chun sonraí idirbhirt custaim a uaslódáil sa struchtúr agus san fhormáid is infheidhme” isteach i ndiaidh na bhfocal “Rialachán (AE) Uimh. 952/2013”;

(c) cuirfear na focail “nó, a mhéid a bhaineann le Stáit CSTE, na cóid tráchtearra chomhfhreagracha i gcomhréir lena reachtaíocht náisiúnta” isteach i ndiaidh na bhfocal “cód AC ocht ndigit”

(d) cuirtear isteach an fhomhír seo a leanas:

“Déanfaidh na Páirtithe Conarthacha faisnéis a mhalartú go rialta maidir le céannachtaí a ndearbhóirí SCCT údaráithe agus a n-allmhaireoirí chun an Rialachán seo a chur i bhfeidhm.”;

(iii) i mír 4, cuirfear na focail “nó, a mhéid a bhaineann le Stáit CSTE, na ceanglais choibhéiseacha i gcomhréir lena reachtaíocht náisiúnta féin” isteach i ndiaidh na bhfocal “Airteagal 12(1) de Rialachán (AE) Uimh. 952/2013”;

- (iv) i mír 5, cuirfear na focail “Prótacal 11 de Chomhaontú LEE” in ionad na bhfocal “Rialachán (CE) Uimh. 515/97”.
- (p) In Airteagal 25a(1), cuirtear isteach an fhomhír seo a leanas:
- “Agus cúraimí faireacháin á ndéanamh ag an gCoimisiún i ndáil le hallmhaireoirí atá bunaithe i Stáit CSTE de bhun an Airteagail seo, coinneoidh sé Údarás Faireacháin CSTE ar an eolas faoi aon neamhrialtacht a bhaineann le hallmhaireoirí atá bunaithe i Stáit CSTE agus féadfaidh sé faisnéis ábhartha a iarraidh ar Údarás Faireacháin CSTE a mhéid is gá le haghaidh chúraimí an Choimisiúin de bhun an Airteagail seo. Thairis sin, déanann Údarás Faireacháin CSTE faireachán ar an tairseach mhais-bhunaithe aonair a mhéid a bhaineann le hallmhaireoirí atá bunaithe i Stáit CSTE.”
- (q) In Airteagal 27:
- (i) i mír 1, sa dara habairt de mhír 4 agus i mír 5, cuirfear na focail “nó, a mhéid a bhaineann le hallmhaireoirí atá bunaithe i Stáit CSTE, Údarás Faireacháin CSTE” isteach i ndiaidh na bhfocal “an Coimisiún” agus “don Choimisiún”;
- (ii) i mír 2, pointe (a), cuirfear na focail “nó, a mhéid a bhaineann le Stáit CSTE, faoi chóid tráchtearra náisiúnta nach dtagann faoi raon feidhme Iarscríbhinn I,” isteach i ndiaidh na bhfocal “nach liostaítear in Iarscríbhinn I”;
- (r) In Airteagal 36:
- (i) i mír 2, pointe (a), cuirfear na habairtí seo a leanas isteach: “A mhéid a bhaineann le Stáit CSTE, beidh feidhm ag Airteagail 5, 14, 16 agus 17 ón 1 Meán Fómhair 2026. Beidh feidhm ag Airteagail 10 agus 10a ón 1 Nollaig 2026.”
- (ii) i mír 2, pointe (b), cuirfear na focail “nó, a mhéid a bhaineann le Stáit CSTE, ón 1 Eanáir 2027” isteach i ndiaidh na bhfocal “ón 1 Eanáir 2026.”
- (s) I mír 1 d’Iarscríbhinn I, cuirfear na focail “nó, a mhéid a bhaineann le Stáit CSTE, na cóid tráchtearra chomhfhreagracha i gcomhréir lena reachtaíocht náisiúnta féin” isteach i ndiaidh na bhfocal “Rialachán (CEE) Uimh. 2658/87”.
- (t) I gceanntásc Iarscríbhinn II, cuirfear an abairt seo a leanas isteach: “I gcás Stáit CSTE, sainaitheofar na hearraí leis na cóid tráchtearra chomhfhreagracha i gcomhréir lena reachtaíocht náisiúnta féin.”
- (u) I mír 1 d’Iarscríbhinn III, scriostar na focail “An Íoslainn” agus “An Iorua”.
- (v) Ní bheidh feidhm ag an Rialachán seo maidir le Lichtinstéin.’

### *Airteagal 2*

Is téacsanna barántúla a bheidh i dtéacsanna Rialacháin (AE) 2023/956 agus (AE) 2025/2083 san Íoslainnis agus san Ioruais, téacsanna atá le foilsiú i bhForlíonadh LEE d'*Iris Oifigiúil an Aontais Eorpaigh*.

### *Airteagal 3*

Tiocfaidh an Cinneadh seo i bhfeidhm an [...], nó ar an gceathrú lá déag tar éis an fhógra dheireanaigh faoi Airteagal 103(1) de Chomhaontú LEE\*, cibé acu is déanaí.

### *Airteagal 4*

Foilseofar an Cinneadh seo i Roinn LEE, agus i bhForlíonadh LEE, d'*Iris Oifigiúil an Aontais Eorpaigh*.

Arna dhéanamh sa Bhruiséil, [...].

*Thar ceann Chomhchoiste LEE*

*An tUachtarán*

[...]

*Rúnaithe*

*Chomhchoiste LEE*

[...]

---

\* [Ní shonraítear aon cheanglas bunreachtúil.] [Sonraítear ceanglais bhunreachtúla.]

**Dearbhú ón Íoslainn agus ón Iorua i ndáil le Cinneadh Uimh. xx/2026 [an cinneadh seo]  
lena n-ionchorpraítear Rialachán (AE) 2023/956 i gComhaontú LEE**

Tá feidhm ag Rialachán (AE) 2023/956 maidir le hearraí a thugtar chuig oileán saorga, struchtúr seasta nó ar snámh, nó aon struchtúr eile ar an scairbh ilchríochach nó sa limistéar eacnamaíoch eisiach. Meabhraítear go bhfuil ionchorprú gníomhartha a bhfuil cur i bhfeidhm eisceachtúil den sórt sin acu i gComhaontú LEE gan dochar don tuiscint go bhfuil feidhm ag Comhaontú LEE i gcomhréir le hAirteagal 126 maidir le críocha Stáit CSTE.